

Sur cuolms e vals e la fin finala combas sco plum

Il miez-indigen Stephan Wenk ha gudignau la sonda a moda suverana il secund «Rheinquelle-Trail» a Sedrun. A semeglionta moda e maniera ha Nina Zoller da Cuera victorisau tier las damas. Rodund 260 curridras e curridras ein separticipai.

HANS HUONDER/FMR

La plievgia intensiva dall'jamna vargada ha procurau per bein enqual fastedi tiels organisateurs dil trailrunning a Sedrun. Mo la fin finala ei il sulegl semussaus e ha procurau la sonda per ferg bunas relaziuns. Sulettamein en entginas passaschas han las curridras ed ils curridras giu da sbatter cun terren ferg bletsch. En plirs lo-ghens ha neiv digl unviern passau aunc stiuui vegnir traversada. Dils rodund 260 participants ei la mesedad partida alla cuorsa da 16 km, l'autra mesedad alla concurrenzia da maraton sur rodund 40 km.

Cuorsa feg pretensiua

Il victur dalla cuorsa principala, *Stephan Wenk*, ha declassau la concurrenzia. El ei arrivaua 22 minutus avon il secund *Simon Schäppi* e buca meins che treis quarts d'ura avon *Manuel Sprenger*. Pil victur che ha giu strusch tschun uras per la cuorsa ei quei stau la secunda concurrenzia da quella lunghezia enteifer in'jamna. La fin dall'jamna passada eis el numnadamein separticipaus al maraton dil Mont Blanc ed ei daventaua 13avel leu. «Quella cuorsa cheu a Sedrun ei dall'intensitat feg speciela. 3000 meters differenza d'altezia sin 40 km ei feg pretensiua», di Stephan Wenk ch'enconuscha feg bein Sedrun, ses geniturs possedan leu ina habitaziun e già sco famiglia passentavan els savens las vacanzas sisum la Surselva. Sedrun sei-gi aschidadir sia secunda patria. «Sulet il Cavradi enconuschevel jeu aunc buca», di Stefan Wenk che habitescha a Bertschikon el cantun Turitg. Tier las damas ha la campiunessa mundiala da duatlon, *Nina Zoller* da Cuera, dominau claramein la cuorsa sco Stephan Wenk tier ils umens. Ella ei stada rodund 14 minutus pli sperta che la secunda, *Marta Larsen* da Salt Lake City els Stadis Uni dall'America. Nina Zoller ha gudignau la cuorsa già igl onn vargau.

Ils nordics alla testa

La cuorsa culla distanza da 16 km ei stada cum-pleinamein sur la controlla dils curridras nordics che han per ina ga era mussau lur excellentes qualitats en calzers da cuorer. Ils frars *Isai e Noe Näff* da Sent ein arrivau sco emprems, e sut ils emprems otg ein era ils frars *Jon-Fadri e Cla-Ursin Nufer* da Sedrun seplazzai. Per tutz quarter ei quei stau in bien trenament da stad. «Cu la stagiu da cuorsa liunga ei finida dat ei ina cuorta pausa e lu entscheiva il trenament danovamein», di Isai Näff ch'ei da niev commember dalla grappa dils candidats da Swiss Ski. Il commember dil cader C da cuorsa liunga da Swiss Ski, Cla-Ursin Nufer ch'absolva il mu-ment la scola da recruta dils sportists a Magglingen, ha nezegiau la cuorsa per examinar la cundizion, mo surtut era pervia d'in auter motiv: «Igl ei era in trenament pil magliar e beiber endretg. Quei ei numnadamein era feg im-purtont.» Cuntents cun sia prestaziun ei Jon-Fadri Nufer status sco sisavel: «Igl ei stau streng, mo nus savevan che quei seigi aschia.» Tier las damas ei l'antierira giugadura da ballapei dall'equipa naziunala e triatleta, *Daniela Schwarz* da Neftenbach, stada la pli sperta sur 16 km. Secunda ei *Sabina Bigger* da Claustra daventada. Ina feg buna prestaziun ha la Medelina *Janna Venzin* da Curaglia mussau, daventond tschunavla dallas dunnas sur la distanza da 16,4 km.



Il victur Stephan Wenk (sen.) en discussiun cul meinaproject della cuorsa «Rheinquelle-Trail», Stefan Schwenke.

FOTOS HANS HUONDER



Ils frars Cla-Ursin (sen.) e Jon-Fadri Nufer ein cuntents cun lur prestaziun.

«La finamira ein entochen 1000 curridras»

Rodund 260 curridras e curridras ein stai alla par-tenza dil «Rheinquelle-Trail» la sonda a Sedrun. Cun quella participaziun ei la presidente dil comite d'organisaziun, *Simona Barnettler*, cuntenza: «Igl onn vargau havein nus giu rodund 600, mo lu ei nossa cuorsa stada ina dallas sulettas el cantun Grischun. Uonn ha ei puspei dau concurrenzia.» La finamira seigi d'animer denton 800 e 1000 curridras e curridras da separticipi-azion. «Persuenter drova ei denton temps, pazienzia e bia marketing. Nossa historia ei aunc giuvna.

Il trailrunning ei il mument feg el trend. Ina participaziun d'entochen 1000 dels ei segira-mein realistica vesend ch'autras cuorsas con-tonchian quella dimensiun ni schizun aunc bia-dapi.» Il comite d'organisaziun seigi en min-tga cass motivaus e plein ideas. Ina da quellas tradesha Simona Barnettler alla FMR: «Nus

fagein ponderaziuns d'organisar era ina cuorsa verticala. Quei vul dir meins liunga mo persuerter feg teissa. En nos tgaus circuleschan denton era ideas da-vart in ultra-maraton, pia ina cuorsa cun 50 km e dapi.» Ils resuns sil «Rheinquelle-Trail» seigien feg positivs ed ussa hagi ei num far pro-paganda per la cuorsa era sur ils cunfini dentala Svizra ora. In grond laud ha ella pil grond diember da voluntaris, mo era pil comite d'organisa-

ziun: «La solidaritat cun nus ei feg gronda, ei vegn luuvra mordio e feg bein. Senza gidon-tras e gidonters mass ei buca.» La situaziun cul coronavirus ha era pretendiu uonn mesiras spe-cialas. Aschia han sulertamein persunas cul cer-tificat da Covid-19 ni cun in test negativ astgau esser ella zona dalla partenza ed arrivada.



La presidente dil comite d'organisaziun, Simo-na Barnettler, ei cuntenza culla participaziun ed il decouros dalla cuorsa.

Rangaziun

Umens 40,6 km

1. Stephan Wenk, Bertschikon, 4.51.35,6; 2. Simon Schäppi, Turitg, 5.14.21,4; 3. Manuel Sprenger, Turitg, 5.36.51,6;
 4. Alexander Hug, Sargans, 5.47.39,7; 5. Oleg Ponomarev, Thalwil, 5.57.14,7. Plinavon: 12. Davide Beer, Rabius, 6.38.36,8. 18. Ivo Casanova, Vignogn, 6.51.54,1; 19. Ci-ril Deplazes, Camischolas, 6.57.03,5; 22. Timo Berther, Domat, 7.04.37,2. 25. Christoffel Giger, Mustér, 7.14.04,4;
 32. Gian-Andrea Beer, Trun, 7.20.45,9; 34. Tizian Monn, Sagogn, 7.25.20,7.
- Umens 16,4 km
1. Isai Näff, Sent, 1.44.43,6; 2. Noe Näff, Sent, 1.47.40,8;
 3. Fabian Zehnder, Wädenswil, 1.51.30,8; 4. Sandro Herrmann, Cuera, 1.53.12,3; 5. Micha Florian Förderer, Tu-ritg, 1.54.32,5. Plinavon: 6. Jon-Fadri Nufer, Rueras, 1.55.51,1; 8. Cla-Ursin Nufer, Rueras, 1.57.41,9; 10. Buolf

Dunnas 40,6 km

1. Nina Zoller, Cuera, 5.57.29,6; 2. Marta Larsen, Salt Lake City/USA, 6.11.09,5; 3. Lea Tauern, Balzers, 6.32.26,5; 4. Mira Irion, Thalwil, 6.55.23,5; 5. Christine Cantieni, Donat, 7.08.02,3. Plinavon: 11. Monika Bärth, Sedrun, 7.51.54,5; 12. Marianne Balmer, Tavau, 7.53.21,7.

Dunnas 16,4 km

1. Daniela Schwarz, Neftenbach, 2.02.18,3; 2. Sabina Bigger, Claustra, 2.06.53,4; 3. Lilian Hollenstein, Mosnang, 2.14.05,1; 4. Gabriela Egli, S. Murezi, 2.19.37,1; 5. Janna Venzin, Curaglia, 2.26.01,1; 32. Roland Cajacob, Mustér, 2.36.52,3; 39. Primus Deragisch, Se-drün, 2.42.10,4; 40. Martin Alig, Vrin, 2.42.58,5.
1. Daniela Schwarz, Neftenbach, 2.02.18,3; 2. Sabina Bigger, Claustra, 2.06.53,4; 3. Lilian Hollenstein, Mosnang, 2.14.05,1; 4. Gabriela Egli, S. Murezi, 2.19.37,1; 5. Janna Venzin, Curaglia, 2.26.00,8. Plinavon: 12. Charlotte Lannou, Tavau, 2.35.27,1; 30. Sonja Decurtins, Sedrun, 3.10.57,8.

TRUN

Ei dat in avegnir pil runal dalla Péra

Alla Runal Péra SA eis ei reüssiu da rimnar la gronda part dils daners per remplazzar il runal a Trun. Aschia sa quella purschida vegnir offerida era igl avegnir.

HANS HUONDER/FMR

Alla Runal Péra SA eis ei reüssiu da rimnar la gronda part dils 470 000 francs ch'ein necessaris per remplazzar la tecnica dil runal a Campliun. La campagna persuerter cul num «Lein salvar nies Runal Péra» era vegnida lantschada avon rodund in onn suenter ch'ins saveva tgei cuosts ch'ina sanazion tecnica dil runal caschuni. «Schegie che nus havein buca contonschiu dil tut la finamira savein nus lantschar la gronda part dallas investiziuns», communicchescha la societad cun sia presidenta *Nora Zürcher* alla testa dil cussegli d'ad-ministratzion.

Sustegn da pliras varts

Il success dalla campagna da donaziuns attribuescha la societad en emprema lingia al grond sustegn dallas vischnauncas da Trun e Sumvitg. Mo lu era allas donaziuns dils bunamein 250 aczunaris, a fatschentas, ulteriuras vischnauncas, corporaziuns publicas ed a persunas privatas. «Quei grond sustegn dalla populaziun en in temps buca sempel legra zun feg il cussegli d'administratzion dil Runal Péra SA. Pils responsabels ei quei il mussament ch'il runal ei gi-vischau era egl avegnir e che la sanazion ed aschia il manteniment dil runal ei stau la dretga decisiu», puntueschan ils responsabels ch'ei engrazievels per la volontad da biares e biars da s'engaschar fi-nanzialmein pil runal.

Era atgna prestaziun

Il temps dalla campagna ha il cussegli d'administratzion buca mo persequitau cun engaschament la finanziazion, mobein era la vart tecnica dil runal. Sin fundament dallas novas directivas tecnicas han ils responsabels stiu percorscher ch'il schazetg da cuosts vegn buca a bastar per realisar il project: «La varianta cun ina nova staziun a val ed a cuolm, cun ina nova suga, novs giuvs e cun sanar las pet-gas ei semussada sco la megliera soluzion. Cun quella varianta san biars cuosts da manteniment sco era grondas investiziuns vid las staziuns vegnir evitadas. Il preventiv vegn aschia medemamein buca engreviaus memia feg.»

Empremas lavurs ein surdadas

El decouros dil mars ha il cussegli d'administratzion surdaus las em-premas lavurs. Pliras lavurs da demontascha ha ina grappa da vo-luntaris gi fatg. Parallel han las preparaziuns dalla procedura da lu-bientenschafts entschiet. Sche tut va tenor plan san las lavurs principa-las vegnir exequidas igl atun vegnent. Sco quei che la societad scri-va in ina comunicaziun als mieds da massa, quenta ella era pre-star sezza ulteriura laver. La societad spera da saver beneventar pign e grond navein da miez december cun in tschuat neiv e senza re-stricziuns a Campliun.

MUSTÉR



Marco Leutenegger, Judith Huonder und pader Pirmin Gnädinger (da sen.).

FOTO MAD

Judith Huonder al tgamun dall'Electro Cadi SA

Avon in onn ha Judith Huonder supriu dad Andreas Isler en claustra a Mustér la responsabladij pil sectur d'immobilias e projects da baghegiar. Ussa supren ella da lez era il presidi dil cussegli d'ad-ministratzion dall'Electro Cadi SA. Sis onns ei Andreas Isler staus al tgamun da quell'interresa. Sco quei che la claustra scriva en ina comunicaziun als mieds da massa, garantescha Judith Huonder la cunituitad dall'interresa che seigi aschia vinavon en buns mauns. Il menaschi seigi d'impronta per Mustér e la Surselva. Al cussegli d'administratzion appartegnan plinavon pader *Pirmin Gnä-dinger* sco era *Marco Leutenegger* e *Vitus Nay* ch'ei commember dil cussegli d'administratzion dapi la fundaziun igl onn 2009.

La claustra da Mustér cun sia liunga historia da 1400 onns ei in im-purtont factur economic per la Surselva. In studi dalla Scol'aulta per economia S. Gagl schazegia la plivalur annuala dad ella per la regiun sin 6,5 millioni francs. L'Electro Cadi SA porscha la plini-saziun ed execuzion da tuttas lavurs d'installaziuns d'electro sco era la vendita d'arrechels d'electro. Ella occupa 12 collaboraturs, da quei treis emprendists. (cdm/fmr)